

RO NEJIN AISAK: ISO IM JEKÖB

Köttöpar ko an katak in:

- Kwaļok bwe Anij e tiljek bwe En kōmman men ko Ej ba.
- Kwaļok bwe Anij ej kajerbal armej bwe en tōprak ankil An.
- Kwaļok bwe armej rej aikuļ tōmak men ko Anij ej ba.
- Kwaļok bwe ewor juon wōt iaļ ñan Anij.

Melele ko reļap ilo katak in:

- Jen kile Anij e tilje, im je maroñ lōke E.
- Jen lo bwe e nana ñe jej kāālōt men ko an Iaļ in im kajekdoḡon naan in Anij.
- Jen lo bwe ejjelok an armej maroñ in make loḡoḡoren e.
- Jen lo bwe Anij wōt e maroñ kōmman iaļ in loḡoḡor, im Ear kōmmane ilo Kūraij.

Jen kememej bwe ilo iien in jej katak kōn karōk eo an Anij ñan loḡoḡoren armej. Ilo ad katak kōn men in jej lo bwe kōj ri ban. Jej barāinwōt lo bwe Anij wōt e maroñ loḡoḡoren kōj. Juon iaan men ko jej loi ilo ad katak kōn armej ro ilo Kallimur Mokta ej bwe raar ri jerowiwī. Ear jab bwe aer wānōk ñan loḡoḡoren er make. Raar aikuje juon Ri Loḡoḡor āinwōt bar kōj. Rainin jej katak kōn Iso im Jekōb, ro nejin Aisak.

1. Aisak ear pālele ippān Rebeka.



Jenesis 25:20,21 Im rüttōn Aisak eñoul iio ke ej bōk Rebeka pāleen, lio nejin Betuel ri Siria ri Pedan-eram, jatin Leban ri Siria. Im Aisak ear akweļap ñan Jeova kōn lio pāleen, bwe e war; im Jeova ear eḡroñ e, im Rebeka lio pāleen, ear etta.

Anij ear kallimur bwe enaaj kōmman bwijjin Ebream bwe en ļap. Kallimur in ear barāinwōt ñan Aisak, nejin Ebream. Elōñ armej raar waļok jān bwijjin Ebream, eļap tata Ri Loḡoḡor eo, Jijej Kūraij. Ilo ad katak Baibōl jej lo bwe eļap an aorōk menmenbwij eo an Jijej Kūraij. Jetan e jeļā men in. Ilo ad katak maan ļok jenaaj lo bwe Jetan ear aolep iien pukot bwe en kōkkure menmenbwij in e aorōk. Bōtab ejjelok e maroñ bōbrae Anij jān an kōmmane ankilaan. Eļañne ejjelok e maroñ juḡae Anij, innām ej melele in bwe E wōt e maroñ loḡoḡoren kōj.

Eoon kein ilōñ rej ba bwe Rebeka ear war. Aisak ear aikuļ erļoke peen ñan wōn ñan jipañ e? Ear aikuļ jar ñan Anij. Im eñin men eo ear kōmmane: “Im Aisak ear akweļap ñan Jeova.” (Jenesis 25:21) Aisak ear kile bwe Anij wōt ear maroñ in jipañ e.

2. Iso im Jekōb raar ļotak.



Jenesis 25:24-26 Im ke raan ko an re jejjet bwe en keotak, lo, bo ro ilujen. Im eo mokta ej waļok e būrōrō, im ānbwinnen āinwōt nuknuk koļ; im rej na etan Iso. Tokālik jatin ej waļok, im pein ej jibwe jimwin neen Iso, im rej na etan Jakob; im rüttōn Aisak jiljinoñoul iio ke lio ear keotak er.

Anij, ilo kajoor im jouj eo An, ear kōmman bwe Rebeka en bōrōro im keotak ruo nejin emman. Ilo iien aerro lotak juon men e kabwilōñlōñ ear waļok. Eo ear lotak kein karuo ear jibwe jimwin neen eo ear lotak moxtata. Ta meļeļe in men in? Men in ear juon kakōļle ñan jinen im jemān ajri rein bwe eo kein karuo enaaj bōk jikin eo moxta.



Jenesis 25:23 Im Jeova ear ba ñan e, “Ruo bwij ilujōm, im ruo wāween armej re naaj jepel jān maññal ko am; im juon bwij enaaj kajoor jān bwij eo juon; im eo eļap enaaj jermal ñan eo e dik.”

Anij ear kallimur bwe eo e dik, Jekōb, enaaj bōk jikin eo eļap, Iso, im jujen bōk maanje eo.

3. Iso ej kajekdoon jolot in maaje eo.

* **Armej rej ri jerowiwi. Ej aikuj Anij bwe e jab maroñ make lomoooren e**



Jenesis 25:27a Im laddik ro raar eddek, im Iso e jeļā kakidudu, armej in lujen āne...

Iso ear juon ri kakidudu. Emman ippān etal im man menninmour bwe en bōktok, kijen baamle eo.



Jenesis 25:27b ... a Jakob armej e tot wot, im ej jokwe ilo mon koppad ko.

Jekob ear kōnaan pad ilo mon koppad ko im komat im jermal ie.

Juon iien ke Iso ear roļtok jān an kapok menninmour, ear lukkuun kwōle. Jekob ear komat moñā ilo dān (āinwot soup), im Iso ear kōnaan moñā. Jekob ear ba bwe enaaj leļok moñā eo ñan Iso eļañne Iso ej leļok an maroñ in maanje ñan Jekob. Iso ear ba emman.



Jenesis 25:34 Innām Jakob ear leļok ñan Iso pilawā im lentil komat ilo dān; im ej moñā im idaa, im jutak im ilok ilo iaļ eo an. Āindein Iso ear kajekdoon maanje eo an.

Ilo mool Iso ear maanje eo nejin Aisak. En kar jolot maanje eo. Ak ear kajekdoon e. Ear jab kautiej kallimur eo an Anij kōn Ri Kapit eo. Ear lomnak wot kōn men ko an laļ in. Baibol ej jiroñ koj ilo Hibru 11:1 bwe tomak ej ñe e reel būruod kōn men ko je jab loi.

* **Armej rej aikuj tomak bwe ren kabuñbūruon Anij im bōk lomooor.**

Ear jab reel būruon Iso kōn men ko ear jab loi (āinwot ba, kallimur eo an Anij). Ear reel būruon kōn men ko wot im ear loi (moñā eo). Jekōb ear lo tokjān maanje eo. Ear kautiej kallimur eo an Anij. Ear tomak. Wōn iaer ri jerowiwi? Aolepeir. Bōtab Jekob ear tomak Anij im kallimur ko An, im Iso ear jab tomak. Emman bwe koj aolep, jen make kajjitok ipped eļañne jej etal ilo iaļ ko ad make, ak eļañne jej tomak Anij bwe jej ri jerowiwi im eļeļok ad make maroñ in lomoooren koj.

4. Jekōb ear moņe jemān.



Jenesis 27:15,16 Im Rebeka ear bōk nuknuk e aorok iaan nuknuk an maanjien Iso, ko rej pad ippān ilowan em, im ej kanuknuk Jakob nejin eo e dik. Im ej likūt kilen koon in got na ioon pein, im ioon kōnwan ijo e metaltol.

Meñe ear emman kōṇaan eo an Jekōb kōn maanje eo, ear bōd kilen an bōk e. Meñe ear emman kōṇaan eo an Rebeka im Jekōb, ear bōd kilen aer kōmman bwe kōṇaan eo aer en tōprak. Raar jab lōke Anij. Ej ainwōt Ebrean im Sera ke raar pepe bwe Ebrean en pād ippān Hegar.

Anij ej aikuj bwe jen jipañ E ke? Wōn ear jipañ E kōmanman laḷ in? Ejjelōk. Ñe Anij ej pepe in kōmmane juon men, innām Enaaj kōmmane.

Jej lo ejja likjab in wōt ippān Rebeka. Emōj an Anij kallimur ñan e bwe Jekōb enaaj bōk maanje eo. Bōtab e jañin waḷok. Rebeka ej lōmṇak bwe e aikuj in jipañ Anij bwe en tōprak kallimur eo An kōn Jekōb. Men in ej katakin kōj kōn wāween an Anij lōmoṛen armej. Lōmoṛ ej jermal an Anij wōt. Je ban jipañ E kōn ad kōjparok kien ko An, jermal ñan E, ak tiljek ñan jemlōken. Baibōl ej ba:



Epēsōs 2:8,9 Bwe kōn jouj emōj lōmoṛemi kōn tōmak, im men eo ejab jān kom make; e an Anij lewōj. E jab jān jermal ko, bwe ejjelōk en kōmmejāje.

Kōn an Rebeka im Jekōb jab reilōk wōt ñan Anij im tōmak e bwe en leḷok ñan Jekōb maanje eo, raar moṇe Aisak.



Jenesis 27:19 Im Jekōb ear ba ñan jemān, “Ña Iso maanjeom; iar kōmman ainwōt kwaar jiroñ eō. Ij akwelap ñan eok, kwōn jerkak, jijet im mōñā kuṇaō, bwe am en kajeraamman eō.”

Jekōb ear juon ri jerōwiwi. Ear juon ri ban. Ak kwōj jeḷa ta? Meñe Jekōb ear likjab jān aiboojoj an Anij, jej lo bwe...

5. Anij ear tūriamo kake Jekōb.

Etke Anij ear bōk Jekōb im jab Iso? Bōlen jet rej lōmṇak bwe Jekōb ear emman jān Iso. Bōlen jet renaaj ba bwe Anij ear bōk Jekōb kōn an kautiej maanje eo. Emool bwe Jekōb ear kautiej kallimur eo an Anij jān Iso. Ak ñe jej katak kōn mour eo an Jekōb jenaaj lo bwe ear jab mour ñan Anij ilo elōñ wāween.

Anij ear jab kāālōt Jekōb kōn an pokake E im kautiej kallimur eo An. Kwōn kememej bwe Anij ear kāālōt Jekōb jān Iso mokta jān aer ro ḷotak. Innām etke Anij ear kāālōt Jekōb?



Rom 9:13, 16 Āinwōt emōj je, Iar iḷkwe Jekōb, a Iso Iar dike. A e jab an eo e kōṇaan, ak eo ej ettōr, a an Anij eo ej tūriamo kake.


Lale jemlōken eoon in. Ej ba ta? Innām ejab an eo e kōṇaan, ak an eo ej ettōr, an an Anij Eo ej tūriamo kake. Etke Anij ej lōmoṛen kōj? Kōn ad ettōr ak kōn ad kōṇaan, ke ta? Eoon in ej uwaak im ba jab! Anij ej lōmoṛen kōj kōn tūriamo im jouj eo an wōt. Ejab kōn jabdewōt men jej kōmmane. E aikuj bwe en āindein kōnke joñan ad nana, je ban kar mour kōn ad make tiljek. Ewor juon wōt iaḷ ñan lañ: Wānōk kōn tōmak ilo Kūraij Jijej.

6. Jekōb ej ettōṇak.

Joñan an illu Iso kōn an Jekōb koṭe maanje eo, ear pukot bwe en man e. Rebeka ear jiroñ Jekōb bwe en ko. Ke ear ko, ear roḷ ñan bukwōn eo an Ebrean jimman. E lukkuun etto loḷ bukwōn eo me Jekōb ear jibadek e. Joñan an to loḷ, Jekōb ear jab maroñ tōpar e ilo juon wōt raan. Ear aikuj kiki nabōj. Ear kiki ilo meḷaaj aolep boñ. Juon boñ Jekōb ear ettōnak. Ilo mool Anij ear leḷoḷ ettōnak in ñan Jekōb. Ilo kar iien eo moḷta jān aer je Bible, jet iien Anij ear kōnono ñan armej ilo tōnak. Ak ilo raan kein Anij ej kōnono tok ilo Bible.



Jenesis 28:12 Innām ej ettōnak, im lo juon kein uwe ej jutak ioon laḷ, im jabōn tulōñ ej tōpar lañ; im lo, enjeḷ ro an Anij rej wanlōñloḷ im wanlaḷtok ioon.



Ilo ettōnak in Jekōb ear lo juon jikin uwe. Elōñ enjeḷ raar wanlōñ-wanlaḷ ilo jikin uwe in. Ta meḷeḷe in ettōnak in? Jen loḷmḷnak kake jidik.

- Jikin uwe in ear tōpar lañ, ak ilo bar juon wāween ba, aelōñ eo an Anij.
- Elōñ enjeḷ rej wanlōñ-wanlaḷ ie.
- Jikin uwe in ear barāinwōt tōpar laḷ.

Jej lo bwe jikin uwe in ej juon iaḷ ñan Anij. Jekōb ear kile men in kōnke e ḷak ruj, ear kile bwe ijo me ear babu ie ear juon kōjām ñan lañ.



Jenesis 28:16,17 Im Jakob ear ruj jān an kiki, im ear ba, “E mool Jeova ej pād ijin, im iar jaje.” Im ear mijak im ba, “E nañin kaamijak ijin! Ijin imōn Anij wōt, im ijin kōjām in lañ.”


7. Jijej Kūraj ej jikin uwe eo.



Jon 1:51 Im E ba ñan e, “E mool, e mool, Ij ba ñan eok, tokālik kwōnaaj lo lañ e peḷloḷ, im enjeḷ in Anij rej wanlōñloḷ im wanlaḷtak ioon Nejin armej.”


*** Armej re maroñ kepaak Anij ilo wāween an Anij ba wōt.**

Ke Jijej Ear kūr Nataniel ear ba naan kein ñan e. Jijej ej iaḷ eo wōt ñan Anij. Eḷaññe je kōḷaan etal ñan Aelōñ eo an Anij, je naaj aikuj uwe loñloḷ ilo jikin uwe eo etan Jijej. Ilo bar juon wāween ba, je naaj



aikuj löke Jijej im E wõt ñan kawānōk kōj im lōmoḡoren kōj ñan indeeo.

Jej lo bar juon men ilo ad liñōr e bwebwenato in. Wōn ear kōmḡmane iaļ in? Armej ke Anij? Ilo bar juon wāween ba, armej raar ke jipañ Anij kōmḡmane iaļ in? Re kar jab. E alikkar bwe Anij wõt ear kōmḡmane jikin uwe in. Ettōḡak in ej katakin kōj bwe elōñ juon wõt iaļ ñan aelōñ an Anij, Jijej ej iaļ in.



- Anij wõt e maroñ kōmḡman juon iaļ bwe jen jimwe im wānōk Ippān.
- Armej re jepel jān Anij kōnke er ri jerōwiwi.
- Aolep jerbal ko remḡman an juon armej re ban jipañ ñan kowānōk e.
- Jijej wõt e maroñ kōllaajrak armej ñan Anij.



Jon 14:6 Jijej ej ba ñan e, æÑa iaļ, im mool, im mour; ejjelōk armej ej itok ñan Jema elaññe jab kōn Eō.”

Jekōb ear juon ri jerōwiwi āinwōt kwe im ña, ak Anij, ilo An jouj, ear kwaļok ñan e bwe Ear kōmḡman juon wāween bwe jako ruōn im bwe Anij en bōk e.

8. Anij ej bar kwaļok kallimur eo An ñan Jekōb.



Jenesis 28:13-15 Im lo, Jeova ear jutak ioon im ba, “Ña Jeova, Anij an Ebrean, jimḡman, im Anij an Aisak. Åneo ijo kwōj babu ie, Inaaj lewōj ñan eok im ñan ineōḡ. Im ro ineōḡ renaaj āinwōt bok in laļ, im kwōnaaj orļok ñan kapilōñ, im ñan reear, im ñan eañ, im ñan rak; im kōn kwe, im kōn ineōḡ, nukun otemjej i laļ renaaj jeraamḡman. Im lo, Ij pād ippam, im Inaaj oḡake eok ijo ko otemjej kwōj ilok ielōk, im Inaaj bar āñintok eok ñan ānin; bwe I jāmin ilok jān eok, ñan iien emōj Aō kōmḡman men otemjej Iar kōnono ñan eok kake.”

Emōj an mootļok elōñ iio jān iien eo ke Anij, ilo jikin kallib in Iden, ear leļok kallimur eo kōn juon Ri Lōmoḡor. Ak Anij e jañin melōkļok kallimur im pepe eo An.

Jeova Ear leļok juon kallimur ñan Jekōb ikijjien juon Ri Lōmoḡor. Anij Ear leļok ejja kallimur in wõt ñan Ebrean jimḡman im Aisak jemān. Ta men in jeraamḡman eo im Jeova Ear kōnono kake? Ear kōnono kōn mour indeeo ilo Jijej Kūraij. Naaj elmān an ineen ri Ju ro kajeraamḡman ri laļ in otemjej? Ke Anij ear kōnono kōn an bwijin Ebrean kajeraamḡman laļ in, Ear jab kōnono kōn aolep ri Ju. Ear kōnono

kōn juon wōt ri Ju jān bwijin Ebream. Ear kōnono kōn juon wōt ineen Ebream, Aisak, im Jekōb. Ewi ine eo?



Galetia 3:16 A ar kwaḷok kallimur ko ñan Ebream, im ñan ineen. Ejab ba, Im ñan ine ko, ainwōt kōn elōñ; a ainwōt kōn juon, im ñan ineen, eo Kūraij.

Jān jinoin laḷ in Anij ear kallimur kōn juon Ri Lomōor me enaaj juur bōran Jetan. Jijej ear anjō ioon Jetan kōn an eñtaan im mej ña ioon debwāal eo. Ear bōk anjō ioon mej im jerōwiwi kōn An jerkakpeje. Eḷañne jenaaj tōmak E innām jenaaj barāinwōt anjō ioon mej im jerōwiwi kōn E.



Galetia 3:8 Im Jeje eo, ke ear lo mokta bwe Anij enaaj kawānōk ro ri aelōñ kōn tōmak, ear kwaḷok mokta Gospel ñan Ebream, im ba, “Ilo kwe ri aelōñ otemjej renaaj mōñōñō.”

Kajjitōk ko

1. Ewi etan kōrā eo ippān Aisak?
2. Ewi kallimur im Anij ear leḷok ñan Ebream?
3. Ekkar ñan bwebwenato in aolep iien Jetan ear pukot bwe en koḷkure ta?
4. Wōn ear maanje eo nejin Aisak?
5. Jekōb ear kōmman ta ñan Iso jeen ilo iien aerro lotak?
6. Anij ear kwaḷok ta kōn Jekōb mokta jān an lotak?
7. Iso ear kōmman ta ñan jolōt in maanje eo an?
8. Ewi men eo im Jekōb ear kōmmane bwe e koḷte jolōt eo an jeen?
9. Ewi wāween an kar moḷ e jemān?
10. Emman ke kōmman ko an Jekōb?
11. Innām etke Anij ear lomōoren e?
12. Ke Jekōb ear ettōnak, ear lo ta?
13. Wōn ro im raar wanlōñ-wanlaḷ in jikin uwe eo?
14. Mōttan jikin uwe lōñ tata ear tōpar tu ia?
15. Mōttan jikin uwe laḷ tata ear tōpar ia?
16. Kar jete jikin uwe ko im raar waḷok ilo ettōnak eo an Jekōb?
17. Jikin uwe in ear jutak kōn wōn?
18. Ilo wāween rot im Jijej ear ainwōt juon jikin uwe?
19. Wōn ear kōmmane iaḷ in? Armej ke Anij?
20. Men in ej meḷele in ta?
21. Ewi kallimur im Anij ear leḷok ñan Jekōb?
22. Emōj an Anij leḷok ejja kallimur in wōt ñan bar wōn?
23. Ta meḷele in kallimur in?